



SÝSLUMAÐURINN  
Í REYKJAVÍK

# ÁRSSKÝRSLA 2009

2009

# Efnisyfirlit

Inngangur . . . . .	4
Umdæmið . . . . .	5
Húsnæði embættisins, tölvubúnaður o.fl. . . . .	8
Stjórnskipurit . . . . .	9
Skipurit verkpátta . . . . .	10
Starfsfólk . . . . .	11
Fjármál . . . . .	13
Starfsemi fagdeilda og tölulegar upplýsingar . . . . .	16
Þinglýsinga- og skráningadeild . . . . .	16
Fullnustudeild . . . . .	21
Sifja- og skiptadeild . . . . .	26

# Inngangur

Í þessari skýrslu er greint frá því helsta í starfsemi sýslumannsins í Reykjavík á árinu 2009.

Starfsemi embættisins var með líku sniði og venja hefur verið. Varðandi þróun málafjölda helstu málaflokka sem embættið fæst við vil ég þó nefna eftirfarandi. Dagbókarfærðum skjölum til þinglýsingar fækkaði nokkuð frá árinu á undan, en þau voru í sögulegu hámarki árið 2004. Fjöldi fjárnámsbeiðna stóð í stað, en fasteignum sem seldar voru framhaldssölu fjölgaði umtalsvert þrátt fyrir lagabreytingar sem gerðar voru í tvígang á árinu í þeim tilgangi að fresta nauðungarsölum. Auðvitað hefðu framhaldssölurnar orðið fleiri ef til þessara lagabreytinga hefði ekki komið. Seldar bifreiðar voru færri en árið á undan en þó fleiri en árið 2007. Fjöldi skilnaðarmála, sem til meðferðar voru, stóð nokkuð í stað milli áranna 2008 og 2009, en þó fjölgaði nýjum umgengnis- og dagsektarmálum umtalsvert. Um málafjölda vísast annars til tölulegra upplýsinga í köflunum hér á eftir.

Ástæða er til að vekja athygli á því að auk skráðs málafjölda eins og hann kemur fram í tölulegum upplýsingum, sinnir embættið ýmsum erindum sem hvergi koma fram í skýrslum um starfsemi þess. Má í því sambandi m.a. nefna að starfsfólk embættisins sinnir daglega upplýsinga- og leiðbeiningagjöf af ýmsu tagi til annarra sýslumannsembætta, lögmanna, fasteignasala o.fl. fagaðila og til almennings vítt og breitt um landið. Tekur það til flestra eða allra málaflokka embættisins. Þá eru ýmsar lögbókandagerðir fyrirferðamiklar og tímafrekar og ýmislegt sem þeim fylgir og nær sú þjónusta langt út fyrir umdæmi embættisins. Loks er ástæða til að nefna að við allar atkvæðagreiðslur utan kjörfundar gegnir embættið lykilhlutverki á landsvísu og er í raun aðalafgreiðsla kosninga á höfuðborgarsvæðinu, en slíkar kosningar eru allt að því árvissar s.s. alþingiskosningar, sveitarstjórnakosningar og forsetakosningar auk ýmissa sameiningarkosninga á sveitarstjórnasviði.

Í kjölfar bankahrunsins haustið 2008 var boðaður umtalsverður samdráttur í útgjöldum hins opinbera, sem kæmi m.a. fram í skertu rekstrarfé til ríkisstofnana. Var mælt til þess við forstöðumenn stofnana að hugað yrði að þessu og að fram færi greining á því hvernig þær gætu af fremsta megni dregið úr útgjöldum. Við þessu var brugðist hér hjá embættinu og var fundur haldinn með starfsfólki í byrjun árs 2009 og farið yfir það sem hugsanlegt væri að gera til að ná árangri í þessum efnum. Skilningur starfsfólks á vandanum var þakkarverður og með samstilltu átaki tókst að ná niður kostnaði við reksturinn og halda honum innan fjárheimilda embættisins. Stöðugildum hjá embættinu hafði fækkað frá árinu 2008 og voru nú svipuð og við stofnun sýslumannsembættisins á árinu 1992.

Vert er að flytja starfsfólki bestu þakkir fyrir vel unnin störf við erfiðar aðstæður.

Í skýrslunni er dregin upp mynd af því helsta sem gerðist í starfsemi fagdeilda embættisins á árinu 2009 ásamt málafjöldi. Þá eru kaflar um umdæmið, þróun íbúafjölda innan þess, húsnæði og starfsfólk.

Vonandi er skýrslan lýsandi fyrir starfsemi embættisins á árinu 2009.

Rúnar Guðjónsson sýslumaður

# Umdæmið

Í umdæmi sýslumannsins í Reykjavík eru sveitarfélögin Reykjavík, Seltjarnarnes, Mosfellsbær og Kjósarhreppur og var íbúafjöldi í árslok 2009 samkvæmt bráðabirgðatölum Hagstofu Íslands þannig:


Reykjavík 118.427 (fækkun um 1.421 frá fyrra ári), Seltjarnarnes 4.406 (fækkun um 4 frá fyrra ári), Mosfellsbær 8.527 (fjölgun um 58 frá fyrra ári), Kjósarhreppur 195 (fækkun um 1 frá fyrra ári) eða samtals 131.551.

Á árinu 2009 fækkaði íbúum í umdæminu um 1.368 eða um rúmlega 1%. Er þetta í fyrsta sinn frá stofnun embættisins sem íbúum umdæmisins hefur fækkað milli ára.


Frá 1. desember 1992 hefur íbúum umdæmisins fjölgað um 21.688, eða u.þ.b. 20%.




## Þróun íbúafjölda í umdæmi sýslumannsins í Reykjavík 1992 til 2009




## Þróun íbúafjölda í Reykjavík 1992 til 2009




### Þróun íbúafjölda á Seltjarnarnesi 1992 til 2009



### Þróun íbúafjölda í Mosfellsbæ 1992 til 2009



### Þróun íbúafjölda í Kjósarhreppi 1992 til 2009



# Húsnæði embættisins, tölvubúnaður o.fl.

Embættið er með aðsetur að Skógarhlíð 6 í Reykjavík. Húsnæðið er í eigu ríkisins og greiðir embættið húsaleigu fyrir afnotin. Hið leigða húsnæði er alls 2.370 fermetrar en auk embættisins er Útlendingastofnun með starfsemi í húsinu.

Frá maí 2009 hefur ræsting húsnæðisins verið keypt af Nostra ræstingum ehf. Öryggis – og þjófavarnakerfi eru frá Securitas hf.

Sýslumaðurinn í Reykjavík og Útlendingastofnun samnýta kaffistofu og fundarsal á jarðhæð hússins en þessi sameiginlega aðstaða var tekin í notkun síðla árs 2006. Þá hefur starfsmannafélag sýslumannsins í Reykjavík aðstöðu á jarðhæð hússins.

Sýslumannsforritin varðandi aðför, nauðungarsölur og sífjamál, voru áfram í notkun á árinu 2009, að mestu óbreytt en starfsfólk embættisins tók á árinu þátt í vinnu við að skrifa ný forrit í GoPro. Tölvukerfi þinglýsinga er hluti af gagna- og upplýsingakerfi sem Fasteignaskrá Íslands heldur fyrir allar fasteignir á Íslandi. Skipabók, bifreiðabók og lausafjárnúmer eru einnig hluti af sama kerfi.


Tölvubúnaður embættisins var endurnýjaður í ágúst 2008 en Tölvudeild þjóðskrár veitti á árinu 2009 embættinu grunnþjónustu á því sviði.

Sýslumaðurinn í Reykjavík er með eigin heimasíðu, [www.syslumadur.is](http://www.syslumadur.is) þar sem fram koma ýmsar upplýsingar og leiðbeiningar um starfsemina.




# Stjórnskipurit

Embættið starfar eftir stjórnskipulagi sem samþykkt var af dómsmálaráðuneytinu og tók gildi í ársbyrjun 1999. Endurútgáfa þess fór fram á árinu 2000 vegna smávægilegra breytinga.





# Skipurit verkþátta



# Starfsfólk

Í lok árs 2009 voru fastráðnir starfsmenn 50 í 47,85 stöðugildum eða 4 starfsmönnum og 3,35 stöðugildum færri en í lok árs 2008. Skýring þess er sú að vegna niðurskurðar á fjárveitingum til embættisins var ekki ráðið í allar stöður sem losnuðu auk þess sem í einhverjum tilvikum var starfshlutfall minnkað.

Sumarið 2009 voru 3 laganemar í sumarafleysingum hjá embættinu. 19 af starfsmönnum eru lögfræðingar með embættis- eða masterspróf og 31 aðrir skrifstofumenn.

Starfsmannavelta ársins 2009 var mun minni en undanfarin ár en 6 starfsmenn létu af störfum hjá embættinu á árinu. Af þessum 6 fóru 2 til annarra starfa, 2 fóru í nám, 1 fór á eftirlaun og 1 hætti vegna veikinda.

Hinn 31. desember 2009 voru fastráðnir karlmenn 8 eða um 16% starfsmanna og fastráðnar konur 42 eða um 84%. Ef eingöngu er horft til þeirra 19 lögfræðinga við störf þann 31. desember 2009 voru karlarnir 6 eða um 34% allra lögfræðinga en konurnar 13 eða um 66%.

Meðalaldur starfsmanna sem voru við störf hjá embættinu í lok árs 2009 var um 52 ár, meðalaldur lögfræðinganna var rúmlega 50 ár en annarra skrifstofumanna u.p.b. 52 ár.


Stofnanasamningur félagsmanna í Stéttarfélagi lögfræðinga og sýslumannsembættisins í Reykjavík er að grunni til frá 1. maí 2006 en hefur tekið nokkrum breytingum síðan.

Sá stofnanasamningur sem er í gildi milli sýslumannsembættanna og SFR tók gildi 1. mars 2007.


Þeim starfsmönnum embættisins sem eru í SFR - stéttarfélagi í almannáþjónustu – var áfram, líkt og undanfarin ár, boðið að sækja ýmis námskeið sem fræðslusetrið Starfsmennt stendur fyrir en á vegum þess eru meðal annars haldin námskeið sem eru sérsniðin að þörfum starfsmanna sýslumanna.

Starfsmannastefna og jafnréttisáætlun embættisins er birt á heimasíðu þess: [www.syslumadur.is](http://www.syslumadur.is)

## Fjöldi íbúa í umdæminu




## Fjöldi starfsmanna embættisins



# Fjármál


## REKSTRARKOSTNAÐUR – FJÁRHEIMILDIR:

ÁR	2005	2006	2007	2008	2009
Launakostnaður	245,4	235,9	253,8	267,9	259,9
Annar rekstrarkostnaður	41,1	49	65,1	72,5	72,4
Eignakaup	1,4	3,5	2,4	1,5	1,5
Samtals	287,9	288,4	321,3	341,9	333,8
Fjárheimildir ársins	284,5	313,3	319,6	325,9	335,9



## HEILDARINNHEIMTA – FJÁRHEIMILDIR:

ÁR	2005	2006	2007	2008	2009
Heildarinnheimta ársins	4.497.556.000	3.566.587.000	4.820.403.000	3.145.802.000	2.368.018.781
Erfðafjárskattur	454.357.000	525.892.000	826.371.000	656.492.000	842.412.277
Stimpilgjöld	3.727.816.000	2.740.025.000	3.656.902.000	2.205.432.000	1.226.783.815
Þjónustugjöld	315.383.000	300.670.000	337.130.000	283.877.000	298.822.689
Fjárheimildir	284.500.000	313.300.000	319.675.000	325.946.000	335.900.000



## REKSTRARREIKNINGUR 2009

Tekjur	2009	2008
Sértekjur	3.493.373	2.120.996
Markaðar tekjur	0	0
Aðrar rekstrartekjur	0	0
<i>Tekjur samtals</i>	3.493.373	2.120.996
<b>Gjöld</b>		
Almennur rekstur	337.312.125	344.189.396
101 yfirstjórn	337.312.125	344.189.396
<i>Gjöld samtals</i>	337.312.125	344.189.396
<i>Tekjur umfram gjöld</i>	-333.818.752	-342.068.400
<i>Framlag úr ríkissjóði</i>	335.900.000	325.946.000
<i>Hagnaður/tap ársins</i>	2.081.248	-16.122.400

# Starfsemi fagdeilda og tölulegar upplýsingar

## Þinglýsinga- og skráningadeild

Nokkur fækkun starfsmanna hefur átt sér stað á árinu og hafa því annir í starfsemi þinglýsinga- og skráningadeildar verið miklar.

Á árinu 2009 voru 37.336 innlögð skjöl til þinglýsingar. Skjöl sem koma nú inn til þinglýsingar geta verið afar flókin vegna stöðu mála í þjóðfélaginu og taka því lengri tíma í vinnslu. Þá hafa tímabundnar lagabreytingar m.a. um stimpilgjöld, þinglýsingagjöld, greiðsluaðlögun o.fl. leitt til aukinnar vinnu.

Um áramótin 2009/2010 voru samtals 62.291 eignir staðfestar í Reykjavík í Fasteignaskrá. Eftir eru 1.941 eign sem ekki hefur verið staðfest í Fasteignaskrá. Í fæstum tilvikum liggja fyrir þinglýstar eignarheimildir vegna þessara eigna og hafa þær því ekki verið innfærðar í þinglýsingabækur. Í mörgum tilvikum er um eignir hins opinbera að ræða. Þá á eftir að ganga frá 262 eignum þar sem misræmis gætt milli þinglýsingabóka og eigna skráðum hjá Fasteignaskrá Íslands. Þá eru eingöngu 3 eignir eftir í SKÝRR.

Öll skjöl sem koma inn til þinglýsingar eru skönnuð og geta viðskiptavinir embættisins því fengið send skönnuð skjöl með tölvupósti og lagt greiðslur inn á reikning embættisins. Flestir viðskiptavinir embættisins nýta sér þessa þjónustu og hefur skilvirkni embættisins því aukist verulega og þjónustan við viðskiptamenn er betri. Dómsmála- og mannréttindaráðuneytið fól sýslumanninum á Ísafirði skönnun eldri þinglýsingarskjala fyrir öll sýslumannsembætti. Öll þinglýsingarskjöl embættisins frá árunum 2006, 2005, 2004 hafa verið skönnuð á Ísafirði. Í desember fóru skjöl embættisins frá 2003 og 2002 til sýslumannsins á Ísafirði.

Á árinu 2009 voru 4.042 lögbókandagerðir og virðist sú aukning sem átti sér stað árin 2007 og 2008 ekki hafa gengið til baka.

Veruleg aukning var á firmaskráningum síðustu daga ársins 2009 og voru það helst skráningar vegna samlagsfélaga. Á árinu 2009 voru firmatilkynningar 292, þar af voru 111 tilkynningar vegna skráðra nýrra félaga en 63 tilkynningar árið 2008.

Utankjörfundaratkvæðagreiðsla vegna alþingiskosninga (sem fram fóru 25. apríl 2009) fór fram sl. vor en deildin hafði yfirumsjón með henni sem endranær. Samkvæmt ákvörðun ráðuneytis hófst atkvæðagreiðslan 14. mars 2009 og fór fyrst fram á skrifstofu embættisins en 1. apríl færðist hún í Laugardalshöll. Kjörsókn var mikil og kusu alls 13.120 utan kjörfundar og eru aðsend atkvæði meðtalin. Embætti sýslumannsins í Reykjavík var miðstöð aðsendra atkvæða fyrir allt landið.

Önnur starfsemi deildarinnar var svipuð og liðin ár, þ.e. staðfesting erfðaskráa, útdráttur í happdrættum, skráning kaupmála, útgáfa ýmissa leyfa, svo sem útgáfa meistarabréfa, útgáfa iðnaðarleyfa, útgáfa bílasöluleyfa og útgáfa happdrættisleyfa vegna minni happdrætta og eftirlit með atburðum ýmis konar.

*Bergþóra Sigmundsdóttir deildarstjóri*




## Tölulegar upplýsingar úr þinglýsinga- og skráningadeild

### MÓTTEKIN SKJÖL TIL ÞINGLÝSINGAR:

ÁR	2005	2006	2007	2008	2009
Fjöldi móttækinnna skjala til þinglýsingar	70778	54444	62855	42504	37336

### Fjöldi móttækinnna skjala til þinglýsingar






## LÖGBÓKANDAGERÐIR:

ÁR	2005	2006	2007	2008	2009
Fjöldi lögbókandagerða	1651	2123	3440	4608	4042

### Fjöldi lögbókandagerða




## ÚTGEFIN LEYFI, VOTTORÐ OFL.:

ÁR	2005	2006	2007	2008	2009
Fjöldi happdrætta	35	25	23	41	28
Útg. bílasöluleyfi			3	11	9
Endurnýjun bílasöluleyfa			8	7	3
Útg. iðnaðarleyfi			3	1	1
Útg. meistarabréf			45	80	101

### Leyfi, vottorð ofl.

- Fjöldi happdrætta
- Útg. bílasöluleyfi
- Endurnýjun bílasöluleyfa
- Útg. iðnaðarleyfi
- Útg. meistarabréf




## ERFÐASKRÁR, KAUPMÁLAR, FIRMASKRÁ

ÁR	2005	2006	2007	2008	2009
Fjöldi erfðaskráa	122	113	120	226	89
Fjöldi skráðra kaupmála	166	164	165	187	158
Skráning nýrra firma	80	85	100	63	111
Aukatilkynningar firma		78	134	132	181

### Erfðaskrár, kaupmálar , firmaskrá

■ Fjöldi erfðaskráa      ■ Fjöldi skráðra kaupmála  
■ Skráning nýrra firma      ■ Aukatilkynningar firma



## Fullnustudeild

Verkefni fullnustudeildar eru aðallega samkvæmt lögum nr. 90/1989 um aðför, lögum nr. 31/1990 um kyrrsetningu og lögbann, lögum nr. 90/1991 um nauðungarsölu og lögum nr. 53/2006 um öflun sönnunargagna vegna ætlaðra brota á hugverkarétti.

Fullnustudeild annast samkvæmt þessu, fjárnám, útburðar- og innsetningarmál, lögbannsmál, kyrrsetningarmál, löggeymslu og mál vegna öflunar sönnunargagna vegna ætlaðra brota á hugverkarétti. Þá annast deildin nauðungarsölu á fasteignum, skipum, flugvélum, bifreiðum og öðru lausafé og sér um innheimtu og úthlutun fjár sem kemur fyrir eignir við nauðungarsölu, útgáfu afsala og annarra heimildarbréfa vegna eignanna. Í tengslum við nauðungarsölu á lausafé eru gefnar út heimildir til vörslutöku lausafjár og veitt aðstoð við vörslutöku ef þörf krefur.


Starfsemi fullnustudeildar var með hefðbundnum hætti árið 2009 en þó mátti merkja greinileg áhrif bankahrunsins og breyttra aðstæðna í þjóðfélaginu. Þannig varð veruleg fjölgun á beiðnum um kyrrsetningu og lögbann en sú þróun hófst strax eftir bankahrun á síðasta ársfjórðungi ársins 2008. Einnig mátti merkja fjölgun fasteigna sem seldar voru á uppboði, alls voru seldar 207 fasteignir á árinu samanborið við 161 fasteignir árið 2008 og 137 árið 2007. Uppboðsbeiðnum vegna fasteigna fjölgaði þó einungis lítillega milli ára. Fjöldi fjárnámsbeiðna var svipaður og árið áður, útburðarbeiðnum fækkaði aðeins en innsetningarbeiðnum fjölgaði miðað við fyrri ár. Þá varð mikil fækkun á beiðnum um sölu á bifreiðum sem helgast af ákvörðun embættisins um að hætta að taka við beiðnum um nauðungarsölu á lausafé þegar um gerðarþola er að ræða sem eiga heimilisfesti í nágrennabyggðalögum Reykjavíkur. Á hinn bóginn hélst fjöldi seldra bifreiða á uppboði svipaður og árin á undan. Fjölgun var á uppboðum vegna annars lausafjár þar sem svokölluð tollstjórauppboð hófust á ný á árinu en þau höfðu legið niðri í mörg ár.

Lagasetningar Alþingis á árinu höfðu í för með sér töluverðar breytingar á lagaumhverfi fullnustudeildar. Þannig var lögfest tímabundin heimild gerðarþola til að óska frestunar á nauðungarsölu fasteignar að ákveðnum skilyrðum uppfylltum. Hafa margir gerðarþolar nýtt sér þetta úrræði og bíður fjöldi uppboðsmála í fresti af þeim sökum. Einnig urðu breytingar á löggjöf varðandi aðför, lögveð, vexti, ábyrgðarmenn, greiðsluaðlögun o.fl. sem snertir verkefni deildarinnar.

Fjöldi starfsmanna deildarinnar hélst óbreyttur frá fyrra ári þrátt fyrir aukið álag. Yfirvinna vegna svokallaðra útifjárnáma var takmörkuð sem liður í sparnaðarráðstöfun embættisins. Málsmeðferðartími hefur lengst nokkuð og fleiri mál eru óafgreidd á hverjum tíma en áður var. Leitast hefur verið við að finna leiðir til að mæta auknu álagi, m.a. var tekin ákvörðun um að hætta að senda út ítrekanir vegna fjárnámsbeiðna, tekinn var upp símatími hjá lögfræðingum deildarinnar til að minnka áreiti og ferlið við innheimtu- og uppgjör uppboðsandvirðis var einfaldað.

Starfsfólk deildarinnar stóð sig með þryði á árinu og eru því færðar bestu þakkir fyrir sitt framlag.

*Sigríður Eysteinsdóttir deildarstjóri*




## Tölulegar upplýsingar úr fullnustudeild

### NAUÐUNGARSÖLUR:

Skráðar beiðnir:


ÁR	2005	2006	2007	2008	2009
Uppboðsbeiðnir - fasteignir	2340	2509	2482	2277	2504
Uppboðsbeiðnir - bifreiðar	2622	2251	1970	2019	1068
Uppboðsbeiðnir - annað lausafé	*	316	193	130	224

\*innifalið í 2622 (bifreiðabeiðnum)




#### Seldar eignir:

ÁR	2005	2006	2007	2008	2009
Fjöldi seldra fasteigna	83	91	137	161	207
Fjöldi seldra bifreiða	378	367	419	491	441
Annað lausafé selt	50	16	193	30	253




## FJÁRNÁM:

ÁR	2005	2006	2007	2008	2009
Fjöldi fjárnámsbeiðna	15913	19129	19758	18541	18211
Fjöldi lokinna gerða	19580	17088	19731	17591	15355




## ÚTBURÐIR - INNSETNINGAR

ÁR	2005	2006	2007	2008	2009
Fjöldi útburðabeiðna	66	67	70	55	49
Fjöldi innsetningabeiðna	12	20	20	3	9



## KYRRSETNINGAR, LÖGBÖNN OG LÖGGEYMSLUR:

ÁR	2005	2006	2007	2008	2009
Fjöldi kyrrsetningabeiðna	14	26	15	25	37
Fjöldi lögbannsbeiðna	19	16	11	10	20
Fjöldi löggeymslubeiðna	2	7	4	2	6





## Sifja- og skiptadeild

Heildarfjöldi sifjamála á árinu 2009 var því sem næst sá sami og árið á undan. Til sifjamála teljast skilnaðir og hjónavígslur og mál vegna sambúðarslita, forsjár, meðlags, sérframlags, menntunarframlags, umgengni og dagsektar. Þyngstu sifjamálin eru erindi um umgengni og dagsektir. Þar var töluverð fjölgun, eða um 22% frá árinu 2008. Slík mál voru samtals 233 árið 2009 og hafa aldrei verið fleiri. Fjöldi útgefinna leyfa til skilnaðar að borði og sæng eða lögskilnaðar var svipaður og verið hefur undanfarin ár.

Erfðafjárskýrslum fjölgaði á ný árið 2009 (782), eftir þá fækkun sem varð á árinu 2008, þá voru þær 671.

Nýtt málaskrárkerfi fyrir sifjamál, byggt á forritinu GoPro, varð til 2009 og veittu starfsmenn deildarinnar aðstoð við þróun þess, sem unnin var af fyrirtækinu Hugviti og tölvudeild þjóðskrár og hófst sú vinna um mitt ár 2008. Árið 2009 er síðasta notkunarár málaskrárkerfisins "sifja". Sú útgáfa þess sem hefur verið í notkun var frá 31. desember 2005 og orðin úrelt. Með GoPro málaskránni er í fyrsta sinn tekin upp rafræn skjalavarsla á gögnum í sifjamálum. Starfsmenn fóru á námskeið í notkun GoPro í desember 2009.

Sú nýbreytni var tekin upp á árinu 2009 að hjón sem óska lögskilnaðar að undangengnum skilnaði að borði og sæng geta nú gert það með því að fylla sameiginlega út eyðublað, í stað þess að mæta til viðtals. Fyrirkomulagið hefur í för með sér vinnusparnað og hagræði, jafnt fyrir starfsmann sem viðskiptavini.

Mál málanna árið 2009 var sparnaður og niðurskurður. Sú þjónusta sem veitt er á grundvelli 33. gr. barnalaga 76/2003, þ.e. um sérfræðiráðgjöf til lausnar ágreiningi um umgengni eða forsjá var endurskoðuð með það í huga að minnka útgjöldin þannig að þeir fjármunir sem í verkefnið eru ætlaðir, endist árið. Hætt var að bjóða upp á hjónavígslur utan skrifstofutíma, en tíðkast hafði að gefa fólki kost á að fá þær framkvæmdar á laugardögum og þá hugsanlega utan skrifstofunnar, eftir samkomulagi.


Benda má á það í sifja- og skiptadeild eru óveruleg þjónustugjöld tekin af þeim erindum sem þar eru lögð inn, öfugt við það sem á við um aðra starfsemi sýslumanns. Flest erindi sem heyra undir sifja- og skiptadeild eru meðhöndluð viðskiptavinum að kostnaðarlausu. Það á til dæmis við um erindi um meðlag, sérstakt framlag, menntunarframlag, umgengni, dagsektir, skipun lögráðamanns, ráðstöfun eigna ófjárráða og m fl. Rétt væri að taka upp þjónustugjöld þannig að öll erindi á þessum sviðum beri gjald. Þjónustugjöld skila fé í ríkissjóð og geta spornað gegn því að tilefnislaus erindi séu lögð fram.

Nokkur hefð er komin á að halda reglulega fundi með lögfræðingum sem starfa hjá sýslumönnum í Kópavogi og Hafnarfirði. Þeir fundir hafa reynst gagnlegur vettvangur skoðanaskipta og faglegs samráðs.

Í árslok 2009 vinna í deildinni 14 manns í 13,4 stöðugildum. Einn starfsmaður af þessum 14 starfar jafnframt að öðrum verkefnum hjá embættinu.


*Eyrún Guðmundsdóttir deildarstjóri*






## MEÐLAGSMÁL OFL.:

	2005	2006	2007	2008	2009
Faðernis- og meðlagsmál	313	245	285	309	239
Almenn meðlagsmál	282	261	229	264	242
Forsjár- og meðlagsmál	368	338	328	338	343



## MENNTUNAR- OG SÉRFRAMLÖG:


ÁR	2005	2006	2007	2008	2009
Menntunarframlag	104	138	130	103	115
Sérframlag	93	79	72	71	73



## SKILNAÐARMÁL OFL.:

ÁR	2005	2006	2007	2008	2009
Skilnaðarmál	574	537	523	581	553
Slit á staðfestri samvist	11	16	12	10	10
Framfærslumál*	17	20	18	15	15


\* Hér er um að ræða þann hluta skilnaðarmála þar sem samið er eða úrskurðað um lífeyri eða framfærslueyri



## HJÓNAVÍGSLUR OG STAÐFEST SAMVIST:


ÁR	2005	2006	2007	2008	2009
Hjónavígslumál*	281	313	314	327	319
Hjónavígslur	192	228	231	244	210
Mál vegna staðfestingar á samvist*	11	16	12	10	10
Staðfest samvist	11	12	12	4	4

\*könnun á skilyrðum getur farið fram þó vígsla/staðfest samvist fari ekki fram hjá embættinu



## LÖGRÁÐAMÁL:


ÁR	2005	2006	2007	2008	2009
Svipting sjálfræðis, ný mál	8	6	5	14	8
Svipting fjárræðis/lögræðis, ný mál	14	34	20	19	23
Erindi um ráðsmann, ný mál	4	4	5	7	0
Staðfest samvist	11	12	12	4	4
Ný mál vegna barna	140	186	132	87	114
Afgreiðslur erinda og skýrslna lögráðamanna		430	548	466	536



## DÁNARBÚ – úr málaskrá\*:


ÁR	2005	2006	2007	2008	2009
Ný mál á skrá	852	958	940	944	949
Látnir í umdæminu á skrá	802	914	888	892	921
Erfðafjárskýrslur	735	710	805	671	782
Enduropnuð mál	55	41	45	23	28

\*Tölur eins og þær birtast í samantekt málaskrár dánarbúskerfis. Ný mál á skrá eru ekki tala látninna í umdæminu.



## DÁNARBÚ – lokin mál


ÁR	2005	2006	2007	2008	2009
Búsetuleyfi	186	218	240	253	247
Lok einkaskipta	506	461	529	436	453
Opinber skipti	38	38	52	46	54
Eignalaus bú skv. 25. og 26. gr. skl.	153	131	159	178	158
Lokið með öðrum hætti	34	36	25	40	43
Lokin mál alls	917	884	1005	953	955



## RÁÐGJÖF SÁLFRÆÐINGA: \*

ÁR	2005	2006	2007	2008	2009
Fjöldi mála vísað til ráðgjafa	131	112	107	107	88

\*Heimild: Ársskýrslur Gunnars H. Birgissonar og Jóhanns Loftssonar





ÁR	2005	2006	2007	2008	2009
Yfirlýsing um hver eigi að hafa forsjá barns eftir andlát	39	35	30	29	29

